

# EXAMINATIONS COUNCIL OF ZAMBIA

Examination for General Certificate of Education Ordinary Level

**Silozi**

**3160/2**

**Pampili Yabubeli**

**Wednesday**

**9 AUGUST 2017**

**Liitusiso zeñwi**

Bukanyana ya likalabo

**Nako:** Lihola zepeli

**Litaelo ku babatatubiwa**

Ñola libizo lahao, nombolo ya sikolo ni nombolo yahao mwa libaka zefilwe fa pampili ya likalabo kapa bukanyana ya likalabo.

Pampili ye ina ni likalulo zene (4)

Ualabe lipuzo **kaufela**.

Uñole likalabo zahao fa pampili isili kapa mwa bukanyanaya likalabo yefilwe.

Haiba uitusisa mapampili amañata utame mapampili ao hamoho.

**Lizibiso ku babatatubiwa**

Nombolo ya linepo ibonisizwe mwa kandu sina cwana [ ] kwa mafelelezo a puzo kapa kalulo ya puzo.

Mwa tatubo hakukenwi ni selufooni ki mbamba.

**KALULO YAPILI: Kutoloka ka Silozi [20]**

**Toloka taba yetatama ka Silozi sesilukile hande:**

The happiest moments of our lives come when we accomplish something that we never expected. The unexpected, however, to be appreciated, should be the resultant of our personal efforts. I remember when I was still in Grade 10 how I used to fail in all the subjects. In Grade 11, my performance became even worse such that there was no single subject that I got above 50%. I was never free to mingle with my peers especially when I would bring in school related stories.

It was during the December holiday that I sat down and reflected. I thought about how my parents had suffered and sacrificed a lot just to see me forge ahead with my school. This was my turning point. I could not wait for schools to re-open. My final year surprised many. Both the teachers and my fellow learners were very amazed at my performance. Here I am studying medicine at the University of Zambia (UNZA).

**KALULO YABUBELI – KUKUSUFAZA TABA [20]**

**Bala taba yetatama katokomelo. Uikusufaze kuya ka puzo yefilwe kwatasaa yona.**

Bashemi baka naitumela kumina hamukonile kuamuhela ni kuutwa pizo yaka yakuli mutahe kwa mukopano wo. Nimibizelize kuli nitomi taluseza lika zeñwi zabutokwa zeama musebezi wa bulimi yona njimo.

Taba yapili ki kelezo yakuli mulukela kuitahanelanga kucala lipeu zamina ili kwa makalelo a nako ya litabula. Kabaka lakuli fokuñwi kubanga ni linanga mi kanako ya linanga hakubangi ni kutulo yende. Kubutokwa kuli pula haisehula ni mina mwa kala kucala lipeu zamina kuli haiba pula isiya kunela kapili lico zamina kalitohonolo zakona kubuzwa hande.

Nto yeñwi yenimieleza kikuli mulukela kuitusisa lipeu zebuzwa kapili sina lipeu zeñwi zekona kubuzwa mwa likweli zetaalu feela. Lipeu zebuzwa kapili halibulaisi tala mi hape nihaiba kukaba ni muunda mwa libaka zeswana sina zefumaneha mwa libala la bulozi, mukona kukutula mbonyi yamina kapili muunda usika fita kale.

Nto yeñwi yetatama yefitiswa kumina kikuli muelezwa kulika katata kuli mulime masimu amatuna ili momukona kukutula lico zeñata kuli zeñwi lico libe zakuca mina ni mabasi amina mi zeñwi hape ube zakulekisa. Hamulekimize zeñwi za lico zamina mukona kufumana masheleñi akukenisa bana bamina likolo hande kakubalekela libuka ma yunifomu ni zeñwi zetokwahala . Mukona hape kuitekela lilimiso zecwale ka ka mapulu, likekele lilimiso zecwale ka mapulu, likekele mane ni likocikala zakuhohisa lico zamina.

Kelezo ya maungulelo ki kuli mulukela kuitusisa mubu wamina kaswanelo kuli nako kaufela ube ni mununo. Mulukela kucalanga lipeu zeshutana shutana mwa masimu amina kuli lipeu zeñwi lisiyange mununo mwa mubu halikutulwa. Haiba silimo se mucezi mbonyi mwa simu yamina silimo sesitatama mwa simu yamina moo mwa kona kucala mwateñi ndongo kappa Manawa.

Ndongo kappa Manawa hase likutuzwi mwa kona kucala mwateñi mauza kappa mabele. Mukalemuha kuli mwa simu yecwalo hamukatobeya mwateñi mbonyi mwa silimo sabulaalu kappa sabune, kutulo yamina ikatoba yende luli kakuli mununo wono usiilwe ki lipeu zenecezwi mwateñi lilimo. Zefelile usali womuñata.

Cwale mutiise njimo kakuli kifona fokuyemi bupilo bwa luna batu.

**Uñole litaba zabutokwa zeketa lizoho zanaatilofa yomuhulu wa njimo kwa balimi. Tabanyana yahao ilukela kuba ni manzwi a 100 kuisa fa 120**

### **KALULO YABULAALU KUBALA KA KUTWISISO [30]**

Ka silimo sa 1970 bo kuku ba lengukelwa ki butuku bwa liyala, mi haluyo laulisa kwa yofumanwa kuli nesebubata kuba ombamoyo luli. Mi nekutokwahala ngoma luli ya kalafo. Bo ndate bayo bata ñaka kuli ato swala swala bo kuku. Bo ndate ba liba mboela koo neba izofumana ñaka yanaziba hahulu kualafa butuku boo.

Hasebakutile batolulaluseza kuli ñaka nabata goma yakupazulisa lizazi mi nekutokwahala kuli kube ni bucwala bobuñata kuli batu bafumane fakutonela ni kuli kifona fanaalekezi ñaka yoo. Mi kuti nasakoni kuyo lipazulisa hasabi nihaiba twa kuselela balimu bahae fafasi.

Kwandaa zeo nekubatahala likuhu zepeli ili liseke. Ka tifo ya kalafo, ali, yena nasakoni kulifisa mutu inge asatotobezi. Ulifisanga mweti hasabonahala kushanganana. Kwa tokwa kuba ni ñoñoleho mwa lipilu za ba munzi. Senesibatahala kikuli mutu afole. Cwale haili yena natayobizwa zeo kaufela hanese likondisizwe.

Lika kaufela zaezwa kaputako luli sina mweti hananze abonahala kutotobela molipazulela. Kwa lumiwa mitangana kuyobiza ñaka. Habayofita kwa munzi wahae bafumana mutu yenebazezi halisiyo. Batalusezwa ki ba mwahae kaufela kuli yena milali yahae itata. Hazibi kubeya sico mwahanu kapa nihaili kuina mwahae ka lizazi laziba kuli unani musebezi. Banabalumilwe bakala kuikalelwa kuli mwendi musipili wabona kaswana uba wa mbango.

Hane basaitetekile cwalo mwa lapa la muñaa munzi moneba kutekilwe kuli baikwetulule kusabisa miloli yene seilila mwa limba kwa fita mutangana yana tobataluseza ni kubalumelisa. Babuza kapa nebatakona kubona bo Nganga kuli babataluseze mobasiyezi kwahae.

Hakutokwahali kubabulelela kakuli bona bazibile kale muinelo wa mutu wabona. Nihamukena mwahae yaluna mo nebamibona. Hamusitatala bo nyambe kwa lisito bona seba seha. Hani babuza zenebaseha bona bali ki mitangana yezwa kwa sipai, ibonahala kuhema. Hape nihaisi zeo habana kubulela nimina kacenu haisi hasemutakena mwa munzi wamina mi ni lizazi foo seliyo lekela.

Kauke wabona ñaka yo ndate, ki bo Tebuho bao. Kambe neeli kañaka kakasina mokainezi nekatayo ukalama waluna munzi? Mitangana bayema kuyobata kone kuna ni bucwala kuli bafulueze mulelengwa. Apwee! Kubutokwa luli mwa Ndandanda sina mwa Nasiwawa. Mitangana banwa komoki iliñwi mutu ni mutu ni kukutela kwa lapa la bo Mubyana.

Basabulela, kikale kukena mutangana yomuñwi hape. Yoo atobazibisa kuli bona baitangete yena utayobafumana kwa malako a munzi. Uize musike mwa bulelisana hamu tayema mwa hae mo kufitela mufita kwa malako a munzi wamina, nihamuta lumelisiwa ki mutu mwa nzila musike mwa alaba. Hamukafunduka mwa hae mo mushoonoke feela kusina kulaeza.

Bazamaya babulukile litaelo za ñaka, mi haliyoteyateya ni bona bafita kwa mandamino a munzi. Baina fafasi yo mwale yani mwale, baitubukela feela. Hase kuunsufezi ñaka afiti, ali kwa linumwana, "hamukene mwa munzi cwale. Muyo tumbula mulilo fahalaa munzi mi mubeye fateni matali a mulilo haseutumbukile.

Hamutautwa pindo ilila mutise bupi bwa mbonyi fa mukeke mubeye fateni K5.00, yomunwi ashimbe mikombela yemibeli yemisweu womuñwi kafa womuñwi kafa."

**Cwale alaba lipuzo zetatama;**

**1** Neeli kasilimo mañi fone bakulezi bokukwahae muñoli?

- A** 1971
- B** 1870
- C** 1878
- D** 1970

[1]

**2** Linzwi lakulengukelwa litalusa ñi?

- A** Kuwa kwa kota
- B** Kupicukiwa
- C** Kuswalwa ki butuku
- D** Kufola hasamulaho akukula

[1]

- 3** Kanti libizo lamuñaa munzi kwa napila ñaka ki lifi?  
**A** Bo Tebuho  
**B** Bo Mubyana  
**C** Bo Mundia  
**D** Ha Kusikanolwa [1]
- 4** Linumwana zetaluswa mwa taba mo kanti ki lifi?  
**A** Muñaa munzi  
**B** Mitangana banebabumilwe kuñaka  
**C** Bana ba ñaka  
**D** sicaba samunzi mwazwa ñaka [1]
- 5** Kimañi mutangana yana sitatalilwe kwa lisito?  
**A** Nyambe  
**B** Tebuho  
**C** Mubyana  
**D** Ñaka [1]
- 6** Manzwi ao atalusañi?  
**(i)** Haliyoteyateya [2]  
**(ii)** Lungukelwa [2]
- 7** Fa taluso yamanzwi ao obalile mwa taba.  
**(i)** Ndandanda [2]  
**(ii)** Shanganana [2]  
**(iii)** Putako [2]  
**(iv)** Itetekile [2]  
**(v)** Ukalama [2]
- 8** Ñola manzwi aswana ni ao kwa taluso:  
**(i)** Liseke [2]  
**(ii)** Mikombela [2]  
**(iii)** Shonoka [2]
- 9** Kwa batu bao kimañi yana bulezi manzwi ao? 'Kukalama munzi waluna.'  
**A** Bo Muyunda  
**B** Bo Tebuho  
**C** Bo Nyambe  
**D** Bo Nasiwawa [1]
- 10** Mitangana ye ibonahala kuhema. Kanti mitangana yebulelwa nebazwa mwa munzi mañi?  
**A** Ndandanda  
**B** Sipai  
**C** Nasiwawa  
**D** Sibako [1]

- 11** Neeli liseke zekai zene batahala fa ngoma?  
**A** Zepeli  
**B** Zene  
**C** Zeketalizoho  
**D** Zetaalu [1]
- 12** Kanti kusitalala kikueza cwani?  
**A** Kuhata fa sika ni kubata kuwa  
**B** Kukweta lihutu  
**C** Kukuta mwa mulaho  
**D** Kuya fa pata [1]
- 13** Kwa litaelo zenebafilwe ki ñaka mitangana kuli bayoeza hasebakeni mwahae yabona, wapili neeli ufi?  
**A** Kutisa bupi bwa mbony ni K5.00  
**B** Kubea matali fa mulilo  
**C** Kutisa mikombwe yemibeli  
**D** Kutumbula mulilo fahalaa munzi [1]

**KALULO YA BUNE [30]**

**Pupo ya puwo**

- 1** Ñola manzwi ataluswa ki lipulelo zetatama:  
**(a)** Mulena ya busize nako yetelele ya busize nako yetelele kutofita mande haitubeha ubizwa. [2]  
**(b)** Mutu yana ni boyi [2]  
**(c)** Mutiyo wo salikaneleli kwa buima [2]
- 2** Ñola hande lipulelo zetatama kakuitusisa tense ya cwale. Itusise manzwi afilewe kufeleleza pulelo ni pulelo.  
Mutala: Mulonda – kota (kulema)  
Mulonda ulema kota  
**(a)** Mushimani – folofolo (Kukunupa) [2]  
**(b)** Bana basikolo – Kuli muluti haafosi palo (kunahana) [2]  
**(c)** Mubita – katwa (kuteya) [2]
- 3** Bonisa adjekitibi (kalokandina) mwa pulelo ni pulelo.  
**(a)** Neba sunsa sindambi sesiawata hahulu. [2]  
**(b)** Mbonyi yabona icokokile hande. [2]  
**(c)** Bo Ma-Sitali ba apezi baki yefubelu. [2]

- 4** Ñola Lipulelo zeo kakuitusisa muñolelo wo swanela ni lisupo ze lumelilizwe.
- (a)** Joice ki kalibe yende hahulu [2]
  - (b)** kuli Mubita uboni bo simenda kobakutile [2]
  - (c)** mawee nashwa banibulaya [2]
- 5** Ñola manzwi ataluswa ki lipulelo ze tatama.
- (a)** Batu babañata haba kopani [2]
  - (b)** Silatwa ni boya [2]
  - (c)** Simu yelimwa silimo ni silimo [2]

**TATUBO IFELILE!**

[gidemy.com](https://gidemy.com)